

ԿՈՒՍԱԿՑՈՒԹՅԱՆՆ ՈՒ ԺՈՂՈՎՐԴԻՆ ՆՎԻՐՎԱԾ

Սովետական Հայաստանի անտեսական ու կուլտուրական կյանքի պատմության մեջ մեծ երախտիք ունի ՀԿԿ Կենտկոմի նախկին առաջին ֆարտուղար Գրիգոր Արտեմի Հարությունյանը: Նա այդ պատասխանատու պոստում 17 տարի կուսակցական ու պետական մեծ գործունեություն է ծավալել հանուն հայ ժողովրդի բարգավաճման, հանուն նոր կյանքի կառուցման:

Գ. Հարությունյանը ծնվել է 1900 թ. նոյեմբերի 7-ին, Թիֆլիսի նահանգի Թելավ փողոցում, ալեքսանդրյան ընտանիքում:

Գրիգորը՝ ընտանիքի 5 զավակներից ամենակրտսերն, ամբողջովին կլանված էր ուսման, դպրոցի ու այլ հասարակական աշխատանքներով: Նրա ավագ եղբայրները հորն օգնում էին այգու մշակման և առևտրական գործերում, իսկ Գրիգորի տարերքը ուսումը և հասարակական կյանքի խնդիրներն էին:

1908—1910 թթ. Գր. Հարությունյանը սովորել է Թելավի փողոցային ուսումնարանում, որը չավարտած՝ 1911 թ. ընդունվում է տեղի արական գիմնազիան և ավարտում 1920 թ.:

Դեռևս աշակերտական տարիներին նա տարվում է հեղափոխական գործունեությամբ, մասնակցում անլեգալ մարֆսիստական երիտասարդական խմբակների աշխատանքներին:

1918—1919 թթ. բարձր դասարանների աշակերտների մեջ մարֆսիստական գաղափարների տարածման գործում ակտիվ աշխատանք էր տանում գիմնազիայի բոլշևիկ ուսուցիչ Արտուր Ռուդոլֆովիչ Սիումյագինը, որի նախաձեռնությամբ կազմակերպվել էր անլեգալ կոմերիտական բջիջ: Նրա հանձնարարությամբ Գր. Հարությունյանը իր ընկերներով անլեգալ գրականություն և բոլշևիկյան քերթեր էր տարածում Թելավում և շրջակա գյուղերում: Գր. Հարությունյանը միաժամանակ բոլշևիկյան անլեգալ այն բյուրոյի անդամ էր, որի կազմի մեջ էին մտնում Սամսոն Տինցաբաձեն, Գեորգի Չիտալաձեն, Օլգա Դեուրկովան, Նիկո Բետանիշվիլին, Դիգո Կուրցիկաշվիլին և ուրիշներ:

1919 թ. վերջերին, երբ մենշևիկյան կառավարությանը հայանի դարձավ Ա. Սիումյագինի գործունեության մասին, նա, հետապնդումներից խուսափելու համար ստիպված էր հրաժեշտ տալ իր սիրելի աշակերտներին ու հեռանալ Թելավից: Նրա ամենասիրելի աշակերտը, կոմերիտական բջջի ոգին Գրիշան էր՝ Գր. Հարությունյանը, որին և հանձնեց անլեգալ կազմակերպության ղեկավարությունը: Թելավի անլեգալ բոլշևիկյան կազմակերպության անդամ (այժմ՝ անհատական թոշակառու) Օլգա Նգորովնա Դեուրկովան իր հուշերում պատմում է՝ Գր. Հարությունյանը, որ «տաղանդավոր կազմակերպիչ էր, շուտով իր շուրջը համախմբեց առաջադեմ մտածողությամբ երիտասարդությանը և լայն թավ հաղորդեց խմբակային աշխատանքներին»: Այդ գործում նրա անբաժան ընկերն ու օգնականը Ժորսի (Գեորգի) Թաթուլովն էր: Նրանց ազդեցությունը բավական մեծ էր երիտասարդության շրջանում, և դրա շնորհիվ մենշևիկյան ազդեցությունները երիտասարդությանն իրենց կողմը գրավելու ազդեցությամբ ոչ

մի հաջողության շէին հասնում: Գր. Հարությունյանը Թելավում «Սպարտակ» կազմակերպության հիմնադիրներից էր, երիտասարդության շրջանում սիրված, կազմակերպական մեծ ունակություններով օժտված գործիչ:

1919 թ. սեպտեմբերից մինչև 1920 թ. փետրվարը Գ. Հարությունյանը աշխատել է որպես Թելավի ընդհատակյա բոլշևիկյան գավառային բյուրոյի կուսկազմակերպիչ և ագիտատար: Հեղափոխական ակտիվ գործունեության համար նա 1920 թ. մենշևիկյան կառավարության կողմից ձերբակալվում և բանտ է նետվում: Բանտում ևս Գր. Հարությունյանը ստեղծում է իր համախոհների խումբը և շարունակում ընդհատակյա հեղափոխական աշխատանքը:

Վաստակավոր ինժեներ Ն. Ս. Գոդգիկը 1920 թ. դեպքերի բերումով մենշևիկյան բանտ էր նետվել և տեղավորվել «Բոլշևիկյան կամերայում»: Այստեղ նա ծանոթանում է Թելավի ականավոր բոլշևիկներ Սամսոն Ֆինցաբաձեի (հետագայում՝ Թելավի հեղկոմի առաջին նախագահը), Պատաշվիլու, Կուրցիկաշվիլու և Գր. Հարությունյանի հետ: Բանտարկյալների մեջ, — գրում է իր հուշերում Ն. Ս. Գոդգիկը, — Գր. Հարությունյանը «ամենաերիտասարդն էր, Թելավի բոլշևիկյան կազմակերպության լրջախոհ և փառապաշտ լայն մտահոգի-գոնով օժտված ընդհատակյա գործիչը»: Չնայած իր երիտասարդ տարիքին, Գր. Հարությունյանը հանդես էր գալիս որպես շրջանայաց խորհրդատու և օգնության էր հասնում բոլորին: Նա բարոյավիճողներին հույս էր ներշնչում, կարիքավորներին նյութական օգնություն էր ցույց տալիս և հավատացնում, որ մոտ ապագայում Հոկտեմբերի դռնը կծածանվի նաև Անդրկովկասում:

Շուտով լուր ստացվեց, որ կարմիր բանակի զորամասերը մտել են Վրաստանի սահմանը: Մենշևիկյան կառավարությունը, գլուխը կորցրած, սկսում է փախուստի դիմել: Երիտասարդությունը բնակչության աջակցությամբ շարդում է բանտերի դռները, բոլշևիկյան գործիչներին ու նրանց համակրողներին ազատ արձակում:

Վրաստանում սովետական կարգերի հաղթանակի շնորհիվ 1921 թ. փետրվարին բանտից ազատվում է նաև Գր. Հարությունյանը: Այդ ժամանակից սկսած՝ երիտասարդ հեղափոխականի համար նոր, բաղձալի հասարակարգ ստեղծելու գործին նպաստող լայն ասպարեզ է բացվում: Աշխատանքի անցնելով Վրաստանի Կ(բ)Կ Թելավի գավառային կոմիտեում՝ որպես ագիտացիայի բաժնի վարիչ, շուտով նա աչքի է ընկնում որպես կուսակցական հմուտ աշխատող և ընտրվում գավառային կոմիտեի պատասխանատու ֆարտուղար: Այս պաշտոնում Գր. Հարությունյանը մեծ ժողովրդականություն է վայելում: Մինչև այսօր էլ թելավցիները նրա մասին խոսելիս երախտագիտությամբ ասում են. «Այո՛, շատ լավ ենք հիշում մեր Գրիշային»: Թելավում 20-ական թվականներին նրան բոլորն էլ՝ վրացիները, հայերը և մյուս ազգերը, «Սեր Գրիշա» անվանումն էին տալիս: Կարճ ժամանակում Թելավի կազմակերպությունը լուրջ հաջողությունների հասավ, դարձավ հանրապետությունում առաջավորներից մեկը:

Այդ ժամանակ էլ Գր. Հարությունյանը ծանոթացավ Նինա Գեուրկովայի հետ և հանձին նրան գտավ իր անգուգական, նվիրված ու խելացի կյանքի ընկերոջը:

Անհատական թոշակառու, թելավցի Դավիթ Ռևագովը պատմում է, որ 1922 թ. Թելավի շրջանում բանդիտիզմի դեմ պայքարելու համար բոլշևիկ Մամիա Երիստավիի (հետո զոհվեց բանդիտների դեմ կռիվիս) հրամանատարու-

քյամբ ստեղծվեց հատուկ գորախումբ: Նրա կազմի մեջ էին մտնում ֆաղափի և շրջանի կոմունիստներն ու կոմերիտականները, որոնք մեծ եռանդով ռազմական պատրաստություն էին ստանում: Դր. Հարությունյանը, լինելով գավառային կոմիտեի ֆարտուղարը, ոչ մի պարագայում քաց չէր թողնում և ռազմական գործին տիրապետելու աշխատանքում ևս օրինակ էր ծառայում:

1922 թ. Թելավի գավառային կուսակցական II կոնֆերանսը հանրագումարի բերելով ձեռք բերած նվաճումները, Դր. Հարությունյանին ընտրեց Վրաստանի կոմկուսի առաջին համագումարի պատգամավոր: Այդ նույն տարում նա ընտրվում է նաև Անդրկովկասյան կոմունիստական կազմակերպությունների առաջին համագումարի պատգամավոր: Ամենուր Դր. Հարությունյանը հանդես էր գալիս որպես եռանդուն ու բանիմաց կուսակցական գործիչ:

Նորաստեղծ սովետական կարգերի ամրապնդման գործում կարևոր նշանակություն տալով կարմիր բանակին, կուսակցությունը Դր. Հարությունյանին 1922 թ. հունիսից ուղարկում է կարմիր բանակի վրացական դիվիզիայի ֆուրսովին՝ պատասխանատու աշխատանքի: Կարճ ժամանակում նա աչքի է ընկնում իր ընդունակություններով: Սակայն Դր. Հարությունյանը ձգտում էր հարստացնել իր տեսական պատրաստականությունը: Ընդառաջելով նրա ցանկությանը՝ 1922 թ. սեպտեմբերին Վրաստանի Կ(բ)Կ Կենտկոմը նրան գործուղում է Մոսկվայի Կ. Մարքսի անվան ժողովրդական տնտեսության ինստիտուտի տնտեսագիտական ֆակուլտետում սովորելու: Ուսման բնագավառում և ինստիտուտի կուսակցական ու հասարակական կյանքում Դր. Հարությունյանը աչքի էր ընկնում որպես եռանդուն ու նվիրված կոմունիստ, որպես հոգատար ու սրտացավ ընկեր: Այդ այն շրջանն էր, երբ ղեկավար ու հմուտ կադրերի մեծ պակաս էր զգացվում: Երբ Դր. Հարությունյանը պատրաստվում էր ավարտական ֆենություններին, Վրաստանի Կ(բ)Կ Կենտկոմը 1924 թ. հունիսին նրան ետ է կանչում և կրկին ուղարկում կուսակցական պատասխանատու աշխատանքի: Նա ընտրվում է Ավաշլայի կուսշրջկոմի պատասխանատու ֆարտուղար: Միաժամանակ նա ընտրվեց «Զագեսի» շինարարության կուսկազմակերպության ֆարտուղար: Այդտեղ 5 հազարանոց բազմազգ բանվորական կոլեկտիվ էր աշխատում: Անդրկովկասի համար այդ խոշոր հիդրոէլեկտրակայանի կառուցման գործում իր լուրջ մտքերը Դր. Հարությունյանը: Նա կազմակերպական և ֆաղափական աշխատանք ծավալեց և իր եռանդն ու ունակությունները ներդրեց այդ կարևոր կառույցի՝ Անդրկովկասի այն ժամանակվա հսկայի շինարարությունը ժամանակին ավարտելու գործում: Սակայն Վրաստանի Կ(բ)Կ Կենտկոմն ընդառաջելով թելավցիների պահանջներին, Դր. Հարությունյանին ուղարկում է Թելավ, որտեղ նա 1925 թ. մայիսից մինչև 1927 թ. դեկտեմբերը աշխատում է գավառային կուսակցական կոմիտեի պատասխանատու ֆարտուղարի պաշտոնում: Այդ տարիներին Թելավի գավառում նրա կատարած աշխատանքը երախտագիտության մեծ զգացումով են հիշում կուսակցության վետերաններն ու հասարակությունը:

1924—1928 թթ. Թելավի գավառային լուսբաժնի վարիչ (այժմ՝ անհատական թոշակառու) Գ. Օ. Մելիտաուրին իր հուշերում գրում է, որ Դր. Հարությունյանը «մարդկանց նկատմամբ ունեցած իր հմայքով, ուշադրությամբ ու հոգատարությամբ վայելում էր բոլորի սերն ու համակրանքը»:

Նա պատմում է հատկապես այն մասին, թե Դր. Հարությունյանը ինչպիսի հոգատարությամբ էր վերաբերվում դպրոցական ցանցի ընդլայնման նկատ-

մամբ, լուսավորության ու կուլտուրական հեղափոխության խնդիրները լուծելիս: Գր. Հարությունյանի աջակցությամբ դարոցներ բացվեցին Լեռնայի Դուռերի շրջանում, հատկապես ծովափով շրջների ամառանոցում. իսկ Օմսկում գյուղում բացվեց դարոց-ինտերնատ: Մինչ այդ մոտ 3000 լեռնաբեկներ գրկված էին ուսումնառության հնարավորությունից: Թելավում նրա ջանքերով ստեղծվեց հայրենագիտական թանգարան, որի բացումը տեղի ունեցավ Հոկտեմբերյան հեղափոխության տասնամյակի օրը:



Գր. Հարությունյանը (կենտրոնում) Թելավի մի խումբ շինարարների և ղեկավար աշխատողների հետ (1926 թ.):

Թելավի գավառի տնտեսական ու կուլտուրական շինարարության գործում շատ մեծ ներդրում ունի Գր. Հարությունյանը:

Այդ տարիներին Գր. Հարությունյանը ընտրվել է Վրաստանի կոմկուսի IV և V համագումարների պատգամավոր և Վրաստանի Կ(բ)Կ Կենտկոմի անդամության թեկնածու: Իր լավագույն աշխատանքի համար 1928 թ. Գր. Հարությունյանը առաջ է քաշվում որպես Վրաստանի Կ(բ)Կ Կենտկոմի՝ գյուղում տարվող աշխատանքների բաժնի վարիչ, իսկ հետո՝ 1930 թ. հունվարի 24-ին նշանակվում է Վրաստանի կոլխոզկենտրոնի նախագահ և ապա (1931 թ.) աշխատում է Վրաստանի Կ(բ)Կ ԿԿՀ ու բանգյուղտեսչության նախագահի տեղակալի պոստում: Ամենուր նա աշխատում է պարտիի բարձր զգացումով ու պատասխանատվությամբ: 1930 թ. Գր. Հարությունյանը Անդրկովկասյան կոմունիստական կազմակերպությունների VI համագումարի պատգամավոր է:

1931—1934 թթ. Գր. Հարությունյանը նորից աշխատանքի է անցնում «ԼԿ(Բ)Կ Կենտկոմում, սկզբում որպես կազմակերպչական, իսկ հետո՝ կազմահրահանգչական բաժնի վարիչ: Այդ տարիներին նա Վրաստանի Կ(Բ)Կ Կենտկոմի ֆարտուղարության անդամ էր: Գր. Հարությունյանը ՀամԿ(Բ)Կ Անդրերկրկոմի անդամ էր և Անդրերկրկոմի նախագահության անդամության թեկնածու:

1931—1933 թթ. Գր. Հարությունյանը ընտրվել է Վրաստանի ԿԿ Կենտկոմի կուսհրատի խմբագրական կոլեգիայի անդամ, «Բոլշևիկ», «Ագիտատոր», «Կոմունիստական հեղափոխություն» ամսագրերի խմբագրությունների անդամ, «Պարտստորոտելստվո» ամսագրի խմբագիր և այլն: Նա ակտիվ աշխատանք է տարել նաև մի շարք կարևոր հանձնաժողովներում, հատկապես Շոթա Ռուսթավելու հոբելյանական հանձնաժողովում, Վրացական ՍՍՀ նոր սահմանադրության մշակման խմբագրական կոլեգիայի անդամի պարտականությունները կատարելիս և այլն:

1934—1937 թթ. Թբիլիսիի ֆաղափային կոմիտեի պատասխանատու ֆարտուղարի պաշտոնում ավելի լայն շարժվել են հանդես գալիս Գր. Հարությունյանի կազմակերպական և շինարարական ունակությունները: Թբիլիսցիները այսօր էլ ջերմությամբ են հիշում նրա ավանդը ֆաղափի վերաշինության, բազմաթիվ նոր արդյունաբերական ու այլ խոշոր ձեռնարկությունների շինարարության, ֆաղափի կանաչապատման, նոր թաղամասերի ստեղծման ու բարեկարգման բնագավառում:

Նա պահանջկոտ էր կառավարության ու կուսակցության առաջադրանքները անբերի կատարելու գործում: Մարդկանց նկատմամբ հոգատար, գործուն և բանիմաց, մարդկանց աշխատանքը կարողանում էր նկատել և բարձր գնահատել: Ինքը ևս գործի մարդ էր, տարված էր աշխատանքով, շատ համեստ կյանք էր վարում:

Այդ ժամանակ նա արդեն լայն հանաչում գտած և մեծ հեղինակություն վայելող կուսակցական ու պետական գործիչ էր: Գր. Հարությունյանը Վրաստանի Կ(Բ)Կ ԿԿ-ի բյուրոյի անդամ էր և աշխատում էր նվիրվածությամբ: Այդ էր պատահաբ, որ Հայաստանի կոմունիստական կուսակցությունը 1937 թ. Գր. Հարությունյանին ՀամԿ(Բ)Կ Կենտկոմի երաշխավորությամբ ընտրում է ՀԿ(Բ)Կ ԿԿ-ի առաջին ֆարտուղար: Այդ պատասխանատու պոստում նա մնում է մինչև 1953 թ. նոյեմբերը: 1939 թ. Գր. Հարությունյանը կուսակցության XVII համագումարում ընտրվում է ՀամԿ(Բ)Կ Կենտկոմի անդամության թեկնածու, իսկ XIX համագումարում, 1952 թ. ընտրվում է Կենտկոմի անդամ: Նա ՍՍՀՄ Գերագույն սովետի I, II և III նստաշրջանների ընտրություններին դեպուտատ է ընտրվում: 1927—1937 թթ. Վրաստանի Կ(Բ)Կ Կենտկոմի անդամ էր, իսկ 1937—1953 թթ. ՀԿ(Բ)Կ Կենտկոմի անդամ: 1939—1946 թթ. Գր. Հարությունյանը Անդրկովկասյան ռազմական օկրուգի, ապա նաև կովկասյան ճակատի ռազմական խորհրդի անդամ էր: Սովետական Հայաստանի տնտեսական շինարարության, սոցիալիստական կյանքի հաստատման, Հայրենական պատերազմի ծանր տարիներին, հետպատերազմյան վերականգնման ու տնտեսության վերակառուցման ժամանակաշրջանում իր եռուն աշխատանքի 17 տարիների ընթացքում նա, ամբողջովին կլանված հայրենանվեր աշխատանքով՝ իր ողջ եռանդն ու ունակությունները ավելց սոցիալիստական շինարարությանը, Սովետական Հայաստանի բարգավաճմանը:

Գր. Հարությունյանը շրջահայաց և խորիմաստ կուսակցական ու պետական գործիչ էր: Հատկապես մեծ է նրա դերը Երևանի, Կիրովականի և այլ ֆաղաֆների շինարարության, արդյունաբերության, հայ հարտարսւպետության, գիտության ու կուլտուրայի զարգացման գործում: Երևան ֆաղաֆի հարտարապետական ձևավորման ու պլանավորման մեջ կարևոր դեր են կատարել նրա մտահղացումներն ու բանիմաց խորհուրդները, որոնց իրականացման գործում եռանդ ու աշխատանք չէր խնայում Երևանի ֆաղաֆետի նախկին նախագահ Երախտաշատ Եղիշե Վարդանյանը և նրա նման շատ ուրիշները:

Գր. Հարությունյանի նախաձեռնությամբ 1943 թ. պատերազմի ծանր օրերին, հիմք դրվեց Հայաստանի գիտությունների ակադեմիային և բազմաթիվ այլ գիտական ու ուսումնական հաստատությունների: Նա իր պետական գործչի տաղանդով և ունակություններով մեծ չափով նպաստել է Սովետական Հայաստանի վերածննդին: Իր կյանքի վերջին տարիներին՝ 1953—1956 թթ. Գր. Հարությունյանը աշխատում էր որպես էջմիածնի շրջանի Զանգիբասարի բանջարաբուծական սովխոզի դիրեկտոր: Այդտեղ ևս նա վայելում էր բանվորների և բոլոր աշխատողների սերն ու համակրանքը: Կարհ ժամանակում, ամսյա տարածության վրա նա ստեղծեց բարեկարգ և օրինակելի տնտեսություն: 1956 թ. դեկտեմբերի 10-ից նա աշխատանքի է անցնում Վրացական ՍՍՀ Մինիստրների սովետի «Կետպլանում» միութենական-հանրապետական արդյունաբերության բյուրոյի պետի տեղակալի պաշտոնով:

1957 թ. սկզբից Գր. Հարությունյանի առողջությունը վատանում է: Նրա աշխատանքի ընկերները մեծ հոգատարություն էին ցույց տալիս: Սակայն նա, այլևս ի վիճակի չլինելով աշխատել, խնդրում է իրեն ազատել աշխատանքից: 1957 թ. ապրիլի 27-ին, իր դիմումի համաձայն, Գր. Հարությունյանն ազատվում է աշխատանքից: Նա ապրիլ 24-ին գրած դիմումում նշում էր, որ հիվանդանոցում հատուկ բուժումից հետո էլ իր առողջությունը վատացել է և զբոյշկների եզրակացության համաձայն պահանջվում է սրտանոթային համակարգի երկարատև բուժում: Այդ կապակցությամբ խնդրում եմ Ձեզ, — դիմում է նու Պետպլանի նախագահ Գ. Ա. Զաքարյանին, — ազատել ինձ աշխատանքից...»:

1957 թ. նոյեմբերի 9-ին Թբիլիսիում վախճանվեց Գր. Հարությունյանը: Եղբայրական Վրաստանի հասարակայնությունը մեծ հանդիսավորությամբ կազմակերպեց նրա թաղումը: Թաղմանը մասնակցեցին նաև Հայաստանի աշխատավորության ներկայացուցիչները, նրա հիմնադրած սովխոզի գործընկերները:

Գր. Հարությունյանը երիտասարդ հասակից նվիրվելով կոմունիստական կուսակցության գործին, Լենինի վեհ գաղափարներին, մինչև իր կյանքի վերջը չնայած անհատի պաշտամունքի շրջանին հատուկ որոշ թերություններին. ազնվորեն կատարեց իր պարտքը հայրենիքի հանդեպ: Կուսակցությունն ու կառավարությունը բարձր գնահատելով Գր. Հարությունյանի ծառայությունները, նրան չորս անգամ պարգևատրեցին Լենինի, ինչպես նաև Աշխատանքային կարմիր դրոշի, Հայրենական պատերազմի առաջին աստիճանի շքանշաններով և մի շարք մեդալներով:

Սովետական Հայաստանի վերածննդի ու բարգավաճման կռթողներում. արդյունաբերության բուռն զարգացման երթում, կուլտուրայի ու գիտության ձեռք բերած նվաճումներում այսօր էլ տեսնում ենք Գր. Հարությունյանի շուրջ

տասնյոթ տարիների ներդրումը: Նա կանգնած է եղել այդ հաղթանակների ա-
կունքներում, եռանդ ու աշխատանք չի խնայել դրանց հաջողության համար:
Իսկ երախտապարտ հայ ժողովուրդը և փառապանծ կոմունիստական կուսակ-
ցությունը հարգանքի տուրք են տալիս լենինյան մեծ գործին նվիրված իր
զավակին:

Ս. Պ. ԱՂԱՅԱՆ

ԳԻՏԱԿԱՆ ԼՐԱՏՈՒ

ՄԻՋԱԶԳԱՅԻՆ ԱԳՐԱՐԱՑԻՆ ՍԵՄԻՆԱՐ

Ասիայի և Աֆրիկայի երկրների համերաշ-
խության Սովետական կոմիտեի և ՍՍՀՄ ԳԱ
նախաձեռնությամբ 1971 թ. օգոստոսի 23—23
Ֆրունզեում կայացավ միջազգային սեմինար
«Ազրարային վերափոխումները Միջին Ասիայի
և Ղազախստանի հանրապետություններում և
նրանց նշանակությունը ազատագրված երկրների
համար» թեմայով:

Սեմինարին մասնակցում էին Մոսկվայի,
Միջին Ասիայի, Ղազախստանի, Հայաստանի և
սովետական մյուս հանրապետությունների տա-
նյակ գիտնականներ, ինչպես նաև սոցիալիս-
տական որոշ երկրների և Ասիայի, Աֆրիկայի
ու Լատինական Ամերիկայի երկրների մի խումբ
ներկայացուցիչներ:

Քննարկվեցին այն հարցերը, թե ինչպիսի
պայմաններում և ինչպես են իրագործվել սո-
ցիալիստական ազրարային վերափոխումները, և
ինչպիսի բարձր նվաճումներ են ձեռք բերվել
Միջին Ասիայի և Ղազախստանի հանրապետու-
թյուններում, գյուղատնտեսության բնագավա-
ռում:

Պլենարի նիստում սովետական Արևելքի
հանրապետությունները որպես լենինյան ու-
մունքի կենդանի մարմնացում թեմայով
զեկուցմամբ հանդես եկավ Կիրգիզիայի կոմ-
կուսի Կենտկոմի առաջին քարտուղար Տ. Ու.
Ուսուրալինը: Սեմինարի նիստերում հանդամա-

նորեն քննարկվեցին հիմնական զեկուցումից
բխող հետևյալ երեք հանգուցային հարցերը:

1 Ազրարային վերափոխումների սոցիալ-
տնտեսական նախադրյալները և պատմական
պայմանները: 2 Գաղութատիրության և ֆեոդա-
լիզմի մնացորդների վերացումը հողատիրության
մեջ: 3 Ազրարային վերափոխումների սոցիալ-
տնտեսական արդյունքները: Գյուղատնտեսական
արտադրության վերելքի ուղիները և մեթոդնե-
րը:

Հետաքրքիր զեկուցումներով և հաղորդում-
ներով հանդես եկան Ասիայի, Աֆրիկայի և
Լատինական Ամերիկայի երկրների գիտնական-
ները և ազրարային ռեֆորմների պրակտիկ զոր-
ծիչները:

Սեմինարում լսվեց և քննարկվեց ավելի
քան 80 զեկուցում և հաղորդում: Սեմինարում
Սովետական Հայաստանի ազրարային վերափո-
խումների հարցերի վերաբերյալ զեկուցումնե-
րով հանդես եկան ՀՍՀՄ ԳԱ պատմության ինս-
տիտուտի ավագ գիտական աշխատակիցներ
Վ. Ն. Ղազախեցյանը և Գ. Մ. Գեղամյանը:

Սովետական Արևելքի ազրարային վերա-
փոխումների փորձը, որի մասին մանրամասն
խոսվեց Ֆրունզեի միջազգային սեմինարում,
կարևոր նշանակություն ունի Ասիայի, Աֆրիկա-
յի և Լատինական Ամերիկայի զաղութային
լուծը թռթափած երկրների համար: